

**UC'UEY RICHIN RI
YE'UC'UAN RI AJ
CHICAJEL UCHUK'A'**



**UC'UEY RICHIN RI
YE'UC'UAN RI AJ
CHICAJEL UCHUK'A'**

Banatajinek pe roma ri
Ruk'ataj ri Jesucristo quichin
ri Chojlaxela' chupan ri
Ruq'uisibel Tak K'ij
Salt Lake City, Utah 1981

Copyright © 1981 Corporation of the President of
The Church of Jesus Christ of Latter-day Saints
Priesthood Leader's Guidebook (Revised)
Translated into Cakchiquel 1980
All Rights Reserved
Printed in the United States of America

Ri c'o chupan re vuj

Rutiquiribel	2
Rucusaxic re vuj re'	2
Rubanobal jun uc'uey bey	3
Ruc'uaxic ri familia	5
Ruc'uaxic ri K'ataj (Iglesia)	7
Ch'aka' chic to'onic	9
Rutijoxic jun uc'uey bey	10
Achique modo nuc'uaj bey	10
Ri rubanic ri ruc'uaxic ri molojri'il	10
Ri rubanic jun ruchojmilal jun molojri'il	11
Ch'oven riq'uin jun vinek pa ruyonil	11
Rubanic ri royoxic jun vinek pa jun samaj	12
Rubanic richin jun vinek aj samaj nitemetej	13
Rubanic tok nic'oje' can pa ruq'uexel jun aj samaj	13
Man nik'alajirisex ri cukuban chave	14
Tichojmix ri najovex niban	14
Utz rucusaxic ri tiempo	15
Runa'oj jun uc'uey bey	16
Ri cukubabel c'u'x	16
Quekajo' conojel ach'el ri Cristo yojrajo' konojel	16
Kojsamej chi utzil	17
Runimaxic ri Ajaf y ri e rusamajela'	17
Manjun tiq'ueq'uex chire ri K'ataj	17
Ri Lok'olej Samaj (Ordenanzas)	19
Ruturusaxic (Rurtisaxic) jun ac'ual y ruya'ic jun rubi'	19
Kasambel chuxe' ya'	19
Rucovirisaxic (Confirmar) jun vinek chupan ri K'ataj y ruk'axaxic ruSipanic ri Lok'olej Uxlabixel (Espiritu Santo).	20
Ri Lok'olej Va'in	20
Ruya'ic ri aj chicajel uchuk'a' chire jun vinek y rutakic chupan jun rusamaj	22
Rulok'olixajen ri aceite	23
Ruturusaxic (Rurtisaxic) jun yava'	23
Ruturusaxic (Rurtisaxic) jun mukubel	24
Ruturusaxic (Rurtisaxic) jun vinek richin nibochitej y niya'ox runa'oj	24
Ri tata'aj yeruturusaj (yerurtisaj) ri ralc'ual	25

Rutiquiribel

RUCUSAXIC RE VUJ RE'

Re vuj re' nuchol achique ri
 nic'atzin richin nretamaj y nuben
 jun uc'uey bey chupan ri aj
 chicajel uchuk'a'. Re vuj re' pa
 caji' elenek vi:

Rubanobal jun uc'uey bey
 Rutijoxic jun uc'uey bey
 Runa'oj jun uc'uey bey
 Ri Lok'olej Samaj (Ordenanzas)

Ri e uc'uey bey chupan ri aj
 chicajel uchuk'a' c'o chi
 niquetamaj chi utzil re vuj re' y
 yech'o riq'uin ri Dios chirij ri nubij
 re vuj. C'o chi niquinic'oj ri vuj
 tok nic'atzin richin niquetamaj ka
 chirij ri quisamaj. C'atzinel richin
 niquicusaj re vuj re' riq'uin ri vuj
 uc'uey quichin ri familia y ri vuj
 uc'uey quichin ri ruk'a' kataj
 (rama), y chuka' ri Lok'olej
 Tz'ibanic, chuka' niquicusaj ri
 ch'aka' chic vuj e richin ri K'ataj
 (Iglesia). Ja c'a vi man niqil ta,
 ri nicajo' niquetamaj chupan
 ronojel ri vuj, c'o c'a chi
 niquic'utuj quito'ic chire ri uc'uey
 quichin ri ruc'uan ri aj chicajel
 uchuk'a'.

Rubanobal jun uc'uey bey



Tok c'o jun xc'utun chire ri profeta José Smith, achique, nuben rija' quiq'uin ri vinaki', rija' xubij: "Yin ninc'ut chiquivech ri utzilej tijonic y rije' niqiyuk'uj qui' quiyon."

Ruc'amon c'a chi queri' niban pa familia y chupan ri K'ataj (Iglesia). Ri e tata'aj y ri e uc'uey bey chupan ri aj chicajel uchuk'a' c'o chi yequitijoj ri qui familias y ri vinaki' chupan ri Kataj chi c'o chi niqiyuk'uj qui' rije'. Roma c'ari' ruc'amon chi yeto'ox y yequiyuk'uj.

Ri quisamaj ri e tata'aj y ri e uc'uey bey chupan ri aj chicajel uchuk'a' ja ri yequito' ri familias y ri K'ataj richin queri' jatakel ta ye'oc utzilej tak vinaki'. Re samaj re' can janíla vi rejkalen. Ri Ajaf nubij chike chi ronojel achin c'o chi nusamajij ri e ruya'on chire y c'o chi niqik'alajirisaj vave' chuvach'ulef y pa junalic c'aslen (Titz'et c'a chupan ri D. y C. 72:3 y D. y C. 104:11-13).

Pa jun familia ja ri tata'aj y ri te'ej c'o pa quisamaj ri quich'ajixic conojel ri vinaki' chupan ri familia. Pa jun K'ataj, c'o jun vinek ri oyon richin nuc'uaj bey y c'o chi nuben ri rusamaj ya'on chire. Ri e uc'uey bey chupan ri familia y chupan ri K'ataj je rije' c'o chi yebano ri quisamaj.

Vave', c'o ka vaki' to'bel quichin ri e uc'uey bey richin yeruto' chubanic ri quisamaj. Ri e tata'aj y ri e uc'uey bey chupan ri K'ataj c'o chi yequiben.

1. Tiquich'obo' y tiquinuc'u' ri samaj c'o chi niqiben.
2. Tiquinataj ri Ajaf chirij ri quich'obonic.
3. Tiquiyala' quisamaj chique ch'aka' chic vinaki'.
4. Tiquiyala' cuchuk'a' ri ch'aka' chic y yequito' richin tiqibana' ri

quisamaj.


5. Tiquibana' tzijonen quiq'uin
re vinaki' re' chirij ri
achique e quibanalón.

6. Tiquitz'eta' ri e quibanalón.

Re tijonic re' yesol ka rij chupan
ch'aka' chic ruxak vuj e petenek.


RUC'UAXIC RI FAMILIA

1. Tich'ob y tinuc'



Ri e tata'aj tiquich'obo' y tiquinuc'u' chi utzil ri quitijoxic y ri quisamaj ri e aj pa familia. Ruc'amon niquisol rij ri quich'obonic pa jun molojr'il chiri' quiq'uin ri qui familia o tiban ch'oven quiq'uin chiquijujunal ri vinek chupan ri familia, richin queri' rije' niquibij ri quinojibal rije'.

2. Tiban lok'olej ch'oven



C'o chi yech'o riq'uin ri Ajaf richin queri' niquetamaj vi ri quich'obonic utz (Titz'et pa D. y C. 9:8-9). Tok xtiquinabej chi utz

ri xquich'ob, tiquibana' c'a.

3. Tiya'ox quisamaj ch'aka' chic



Ri e tata'aj niquic'ut ri quich'oboj chiquivech chiquijujunal ri calc'ual. Chiquijujunal rije' c'o chi niquetamaj achique ri quisamaj y c'o chi niquic'ul. Ri tata'aj c'o chi niquinabej chi chiquijujunal ri ac'uala' c'o chi nilk'ax chiquivech ri quicoten y ri turusanic (urtisanic) yepe tok niquiben ri quisamaj. Ja c'ari' tok ri tata'aj niquiya' jun rusamaj chique chiquijujunal ri ac'uala'. Nucukuba' ruc'u'x chi ri ac'ual xtuben ri samaj y xtubij pe tok nic'achoj.

4. Tiya'ox uchuk'a' y tito'ox

Tok xbanatej yan c'a ri ch'obonic, y ri nuq'uc y ri lok'olej ch'oven, y tok xya'ox yan quisamaj ri ac'uala', ri tata'aj yequito' y yequiyuk' c'a ri calc'ual richin tiquibana' ri quisamaj. Nik'alajirisex chiquivech chi utz ri niquiben.



Ri e tata'aj niqubij chique chi can yecajo' vi y tik'alajirisech chi can yetiquir vi niquben ri quisamaj. Y yequito' tok nic'atzin quito'ic.

5. Tiban ch'oven quiq'uin



Ri tata'aj nicoyobej, chi ri calc'ual, utz niquben chire ri quisamaj. Ri ac'ual rija' vi ri' richin utz nuben chire. Jun chique ri tata'aj nic'utun chire ri ac'ual. Ri ac'ual c'o chi nuk'alajirisaj ri rubanon. Ri tata'aj nubij c'a chire chi utz ri rusamaj y nutzijoj chire ri rubanic richin más utz xtuben apon.

6. Tinic'ox ri samaj



Tok nic'achoj ri samaj, ri tata'aj niqunic'oj ri samaj, riq'uin ri ac'ual. Niquinabey c'a ri rubanic ri samaj y niban ch'oven riq'uin ri ac'ual chirij ri utzilej samaj xuben. Nimatioxix chire ri ac'ual roma ri rusamaj.

RUC'UAXIC RI K'ATAJ (IGLESIA)

1. Tich'ob y tinuc'



Jun uc'uey bey chupan ri K'ataj c'o chi nuch'ob y nunuc' chi utzil ri nuberubana'. Utz yeruc'ulubej ch'aka' chic, achi'el ri e ya'ol na'oj (consejeros) richin queri' chuka' rije' tiquik'alajirisaj ri niquinojj y queri' yeto'on chubanic ri samaj.


2. Tiban lok'olej ch'oven



Ja c'ari' tok niquic'utuj chire ri Dios richin queri' niquinabej vi utz ri xquinojj (Titz'et D. y C. 9: 8-9). Vi niquina' chi utz ri xquinojj, yech'o chic riq'uin ri

Dios richin niquiq'ueik chiquivechi ri vinaki' ri xquebano ri samaj.


3. Tiya'ox quisamaj ch'aka' chic.



Ri uc'uey bey nich'o c'a quiq'uin ri vinaki' ri xquebano ri samaj. Rija' nuc'ut chiquivech ri quinojjal. Ja c'ari' tok rija' nujachala' jujun quisamaj ri vinaki'. Nubij chique chiquijunal achique ri niquiben. Chuka' ri uc'uey bey nuc'ut chiquivech chiquijunal ri vinaki' ri turusanic (urtisanic) niquic'ul tok utz niquiben. Tok jun vinek nrajo' nuben ri samaj, jun utzilej uc'uey bey c'o chi nuk'alajirisaj chire chi niquicot riq'uin.


4. Tiya'ox uchuk'a' y tito'ox

Tok xbanatej yan c'a ri ch'obonic y ri nuq'uc, y ri lok'olej ch'oven riq'uin ri Dios y tok xya'ox yan quisamaj ri ch'aka' chic, ri uc'uey bey c'o chi nuya' ruchuk'a' ri vinek richin nuben ri rusamaj. C'o chi nuto' chuch'obic ri



ruc'uaxic ri rusamaj. Nuc'ut chuvech ri c'o chi nretamaj richin queri' nitiquir nuben ri rusamaj. Ri uc'uey bey c'o chi nuya' k'ij chire ri vinek richin nucasaj ri runa'oj rija'. Ri rusamaj man nuben ta chire can achi'el nuben ri uc'uey bey. Jun utzilej uc'uey bey nuben chi ri vinek nujel ri rubanic ri rusamaj xaxe' tok queri' nic'atzin.

5. Tiban ch'oven quiq'uin



Ri uc'uey bey nich'o riq'uin ri vinek pa ruyonil. Nuc'utuj chire ri

rubanon riq'uin ri rusamaj. Nubij chire chi utz ri samaj rubanon. Nuc'utuj chire ri nunojij rija' chirij ri nic'o ruchojmirisaxic ri rusamaj. Ri uc'uey bey c'o chi nibochi'in y nuto'.

6. Tinic'ox ri samaj



Tok nic'achoj ri samaj, ri uc'uey bey c'o chi niquinic'oj chic riq'uin ri banayon ri samaj. Checa'i rije' yech'o chirij ri rutzil ri samaj. Ri uc'uey bey numatioxij ri vinek roma ri rusamaj. Utz nuya' jun chic rusamaj ri vinek, ri ninabex chi utz nuben chire.

CH'AKA' CHIC TO'ONIC

Jun uc'uey bey man quere' tuben.

1. Man nuben chi jun samaj achí'el xa juba' oc rejkalen y xa man que ta ri'.
2. Man tutz'akatisaj rubanic ri rusamaj jun chic vinek ni man tuben ri samaj jachon chire jun chic vinek.
3. Man tito'on janíla tubana' xaxe' oc ri nic'atzin chire ri vinek.
4. Man titane' chubanic animar ri vinek tok c'o jun rusamaj rujachon el.
5. Man ruc'amon ta niya'ox jun samaj chire jun vinek ri janíla c'ayef chire ri vinek ri'.

Jun uc'uey bey quere' c'o chi nuben.

1. Nuchol chi utzil chire ri vinek ri rubanic ri samaj c'o chi nuben.
2. C'o chi nubij chire ri vinek ri' ri e ruc'amon ta richin niquito'.
3. C'o chi nuya' el chire ri vinek ri vuj richin nutz'et ri rusamaj y ch'aka' chic ri yec'atzin chire.

4. C'o chi nubij chire ri vinek achique molojri'íl ri ruc'amon chi nibe vi.
5. C'o chi nucukuba' ruc'u'x quiq'uin ri vinaki' ri yeyuk'un richin.
6. C'o chi nutz'et ri Lok'olej Tz'ibanic o ri quich'abel can ri profetas richin queri' nutijoj y nuya' runa'oj ri vinek y nuto' richin nretamaj achique roma ri rusamaj.
7. C'o chi nuya' k'ij chire ri vinek richin nisamej. Toka' c'a chuc'u'x ri uc'uey bey chi c'o ch'aka' chic rubanic ri samaj.
8. C'o chi nrajo' ri vinek achí'el ri Cristo xajovan.
9. C'o chi nutij ruk'ij richin noc jun utzilej uc'uey bey y utzilej to'onel.
10. C'o chi nutij ruk'ij richin nuben utzilej banobel.
11. C'o chi nich'abalin benek ruvech riq'uin ri Ajaf richin queri' nuc'ul ruto'ic.
12. C'o chi nuk'alajirisaj ri rajovaxic ri vinek y chuka' ri rajovaxic ri Chicajel Tata'ixel.

Rutijoxic jun uc'uey bey

ACHIQUE MODO NUC'UAJ BEY



Ri vinek ri uc'uey bey jari' ri nuc'uan o nibin ri niquiben ri vinek chupan jun familia, o jun ti molaj chire ri K'ataj. Jun tata'aj ja rija' nuc'uan quichin ri ru familia. Ri vi'xal (presidente) richin ri K'ataj ja rija' nuc'uan quichin chi jun K'ataj (D. y C. 107: 65-67, 91).

Ri uc'uey bey achoj chire ya'on vi ri nimalej k'atoy tzij richin ri aj chicajel uchuk'a', ja rija' ri nuc'uan ri molojri'il. Ja rija' nibin ri nic'ulvachitej. Que c'ari' ri vi'xal (presidente) richin jun distrito nuc'uj quibey ri e c'o chupan ri distrito y chuka' ri molojri'il yeban chiri'. Ri vi'xal (presidente) pa jun rama nuc'uj quibey ri e c'o chiri' y nuc'uj ri quimolojri'il. Vi ri vi'xal (presidente) pa jun distrito

nic'oje' pa jun molojri'il richin ri rama ja rija' ri nuc'uan ri molojri'il. Ja rija' nuc'uan ri molojri'il ri', roma rija' can nimalaxel vi ri ruk'atbel tzij chuveh ri vi'xal pa jun rama. Ri vi'xal pa jun rama y ri ya'ol runa'oj (consejero) c'a yetiquir na niquic'uj ri molojri'il. Tok xch'obotej yan achique niban chirij jun na'oj, ri vinek ri uc'uayon quichin nubij chique chi utz ri xnojix o man utz ta.

RI RUBANIC RI RUC'UAXIC RI MOLOJRI'IL



Ri vinek ri nuc'uan bey pa jun molojri'il ja rija' ri navinek chupan ri molojri'il. Ri vinek ri vi'xal (presidente) utz nuc'uj jun molojri'il o rija' nuc'utuj utzil chire jun chic vinek richin nuc'uj ri molojri'il. Roma c'ari' ri tata'aj pa jun familia utz nuc'utuj utzil chire ri te'ej richin nuc'uj ri molojri'il pa jay. Ri vi'xal (presidente) richin jun rama utz nuc'utuj utzil chire jun ri ya'ol na'oj richin nuc'uj jun molojri'il richin lok'olej va'in pa jun rama. Ri vi'xal (presidente) richin jun quórum

utz nuc'utuj utzil chire jun ya'ol na'oj richin nuc'uj ri molojri'il richin ri quórum.

Ri vinek ri nuc'uan bey c'o chi nuk'alajirisaj achique ri xtic'oje' chupan ri molojri'il. Chuka' utz nubij juba' acu'ux ri vinaki' ri xquebesamej pe. Quere' rubanic: "Ri nabey lok'olej ch'oven, nibesuj pe roma ri kach'alal Juan López, tjonel quichin ri élderes."

Vi ri vinek ri vi'xal (presidente) c'o chiri' pa molojri'il, jari' tok ri vinek ri nuc'uan bey utz quere' nubij pe: "Ri Vi'xal (Presidente) Roberto Gómez ja rija' ri c'o pa ruvi' re molojri'il, ja c'a rija' biyon chuve chi yin yich'o' vacami." Ri vinek ri' ri nuc'uan bey c'o chi utz ruc'uaxic nuben y nuc'uj ri molojri'il chirij ri xtusipaj ri rUxlabixel (ru Espiritu) ri Ajaf.

RI RUBANIC JUN RUCHOJMILAL JUN MOLOJRI'IL



Jun ruchojmilal ri molojri'il jari' jun rucholejil ronojel ri xquetzijox

chupan ri molojri'il. Nabi'el chuvech ri molojri'il ri vinek ri nibano ri ruchojmilal c'o chi nutz'ibaj jun rucholejil ronojel ri xquetzijox. Ri vi'xal (presidente) c'o chi nunic'oj ri tz'ibatajinek y ja rija' nibin ri na'oj xtiol rij nabey. Cari' nrailaj jampe' tiempo nuya' chire ri xtitzijox. Vi man chic nuben ta ri tiempo richin nisol rij ch'aka' chic na'oj, ri uc'uey bey c'o chi yeruchol chic ka chupan ri rucholejil richin ri jun chic molojri'il.

CH'OVEN RIQ'UIN JUN VINEK PA RUYONIL



Jun ch'oven pa yonil jari' jun ti molojri'il riq'uin jun uc'uey bey y jun chic vinek. Ri uc'uey bey jari' jun tata'aj pa familia o jun yukunel pa ri K'ataj. Pa jun ch'oven pa yonil, ri uc'uey bey yeruc'utula' ri nic'atzin chire ri jun chic vinek y nutijoj.

Niban ri ch'oven pa yonil richin ninabex vi jun vinek ruc'amon o richin nic'utux utzil chire richin nuben jun samaj. Chuka' yeban richin ch'aka' chic niqunabey jun

na'oj richin netamex ri nibanatej pa jun samaj, o richin niban tijonen. Jun ch'oven pa yonil jun utzilej baniquil richin yetijox ri vinek aj pa ri K'ataj.

Re to'onic re' can e utz vi richin ri ch'oven pa yonil.

1. Ticanux jun c'ojlibel acuchi' man jun napon chek c'a te'.
2. Tibix chire ri vinek achique roma ri ch'oven ri' o achique ruc'a'tz.
3. Nojel ri nic'atzin richin netamex tic'utux chi utzil y riq'uin utzilej c'uxlal.
4. Tac'axex chi utzil ri jun chic vinek.
5. Utz rutijoxic tiban richin queri' nik'ax chuvech.
6. Tiya'ox k'ij chire ri vinek richin rija' chuka' nuc'utula' y nubij ri nrajo'.
7. Ticamulux ri na'oj xetzijox. Ticuker na ac'u'x chi ri jun chic vinek xk'ax chi utzil chuvech ri c'o chi nuben.
8. Tabij chire "matiox" o tasolo' chuvech ri nanimaj chirij ri Jesucristo o tapixabaj richin natz'et ruvech ri lok'olej tz'ibatajic, o tabana' jun lok'olej ch'oven riq'uin ri Dios tok c'a c'o na ri jun chic vinek, o tabana' jun

chic samaj chuto'ic.

9. Vi nic'atzin richin yach'o' jun bey chic riq'uin ri vinek ri', utz nich'ob el jampe' chic xcach'o' riq'uin.
10. Tanaba' juba' ri a tiempo richin queri' ri jun chic vinek man nuna' chi rat yaparel riq'uin.

RUBANIC RI ROYOXIC JUN VINEK PA JUN SAMAJ



Jun uc'uey bey c'o chi nuc'utuj utzil chire ri tata'aj pa jun familia chi jun chique ri vinek pa ru familia nic'atzin richin nuben jun samaj pa K'ataj. Vi manek tata'aj pa jun familia ri uc'uey bey c'o chi nuc'utuj utzil chire ri te'ej o chire ri c'o pa quivi' ri familia, tok c'a manjani tuc'utuj utzil chi jun vinek pa ri familia nic'atzin pa jun samaj. C'o chi nuc'utuj utzil ma's que ta ri tata'aj man c'o ta pa K'ataj. Ri uc'uey bey c'o chi nuc'utuj chuka' utzil chire ri achijlonel nabi'el, chi ri rixjayil nic'atzin noc aj samaj.

Tok ri uc'uey bey nuc'utuj utzil chire jun chic vinek richin nuben jun samaj, utz nich'o riq'uin ri vinek ri' pa ruyonil. Tok niquiben re ch'oven re', ri uc'uey bey nrajo' nunabej ca'i' oxil' na'oj chirij ri vinek ri'.

1. ¿La ruc'amon rija' richin noc aj samaj?
2. ¿Achique ri utz nuna' nuben ri vinek ri'?
3. ¿La nitiquir nuben ri samaj?
4. ¿La nijame' cami ruvech richin nuben ri samaj?
5. ¿La nijame' cami ruvech richin nuben ri samaj ri' y man numalij ta ri rusamaj pa ru familia?

Ruc'amon richin nanabej ronojel re na'oj re' tok yach'o riq'uin ri vinek. Vi ri uc'uey bey tok nich'o riq'uin ri vinek nunabej chi can ruc'amon vi noc aj samaj, jari' tok utz nuc'utuj utzil chire chi tuc'ulu' ri samaj.

RUBANIC RICHIN JUN VINEK AJ SAMAJ NITEMETEJ

Vi ri vinek nrajovaj noc aj samaj, je ri vinaki' ahoj quiq'uin nibesamej vi je rije' yetemen richin chupan ri molojri'il pa K'ataj. Ri vi'xal (presidente) o ri uc'uey bey nipa'e' k'anej y nubij rubi' ri vinek y ri samaj xtuberuchapa'. Ja c'ari' tok



nic'utux chique ri e c'o pa molojri'il chi niquic'ut chi nicajovaj ri vinek ri' y niquitz'ekej ri caj quik'a' y quere' niquitemej. Jari' tok ri c'ac'a' aj samaj nipa'e'.

Jun vinek ri nuc'ul ri Aj Chicajel Uchuk'a' richin ri Melquisedec o nuc'ul jun chic samaj chupan ri Aj Chicajel Uchuk'a' richin ri Melquisedec nitemex c'a pa jun molojri'il richin ri estaca o distrito o pa jun quimolojri'il ri e uc'uayon ri aj chicajel uchuk'a' pa ri estaca o distrito.


RUBANIC TOK NIC'OJE' CAN PA RUQ'UEXEL JUN AJ SAMAJ.

Ri uc'uey bey c'o chi nich'o riq'uin ri vinek ri nijalatej el chupan ri rusamaj pa K'ataj. Ri uc'uey bey, utz numatioxij chire ri vinek roma ri rusamaj xuben. Ri uc'uey bey utz nuch'ol riq'uin ajovabel chire ri vinek achique roma tok nijalatej. Utz netamex chi utzil chi ri vinek nijalatej el man nik'axo ta roma nijalatej. Man utz ta nik'alajirisex chire jun

vinek chiquivech ch'aka' chic pa jun molojri'il, c'a tok xch'o yan pa ruyonil riq'uin ri vinek ri nijalatej.

Ri vinek ri' nuc'uan bey, utz nuk'alajirisaj pa jun molojri'il chupan ri K'ataj chi ri vinek ri' xjalatej yan. Utz nic'utux chique ri ch'aka' chic vinaki' richin chi niquitz'ekej ri caj quik'a' richin niquimatioxij chire ri vinek roma ri rusamaj.


MAN NIK'ALAJIRISEX RI CUKUBAN CHAVE



Jun uc'uey bey man nuk'alajirisaj ta ri retaman chiquij ch'aka' chic. Manjun ahoj chire nubij vi ri na'oj quich'obon rij quiq'uin ch'aka' chic vinaki'. Ri uc'uey bey man ruc'amon ta nich'o chirij ri rubanobal jun vinek chire jun chic, xaxe' vi ri vinek ri' nuya' k'ij richin nitzijox. Manjun nuk'alajirisaj ri ruya'ol na'oj o chire ri rixjayil. Ri ch'oven pa yonil tok nik'alajirisex ri mac, ri' can man vi yek'alajirisex ta. Jun uc'uey bey ri nubij chique ch'aka' chic ri retaman, nutz'uc nimalej k'axo'n chiquicojol ri e ruvinak.

Ri uc'uey bey man jun ahoj chire nutzijoj, ri jampe' ri lajuntek (diezmos) y ch'aka' chic sipanic ri nuya' jun vinek chire ri K'ataj.

TICHOJ MIX RI NAJOVEX NIBAN




Chiquijujunal ri vinek utz niquichojmij ri niquirayij y niquiq'uike ruvech ri nicajo' niquiben. Chuka' utz niquich'ob jampe' ri nitiquir nuben y jampe' nic'achoj. Ja c'ari' tok tuchapa' c'a ri samaj richin nic'achoj ri ruch'obon.

Tikatz'eta' na pe, ri vi'xal (presidente) pa jun distrito, vi rija' nrajo' chi yeq'uiyer ri vinaki' ri ye'apon pa molojri'il richin ri lok'olej va'in pa ru distrito. Talvez ruch'oboj ja ri nuc'utuj chique conojel ri e vi'xal (presidentes)' pa rama richin niquic'utuj utzil chique chiquijujunal ri vinaki' richin niquitij quik'ij richin ye'apon chupan ri molojri'il richin ri lok'olej va'in. Ri ruch'oboj ri distrito ja ri jampe' vinaki' ri

xquibij richin ye'apon vi pa molojri'il.

Ri uc'uey bey utz nuk'alajirisaj ri nukuka' o nunojij rija', pero chiquijujunal ri vinaki' rije' c'o chi niquiq'uek ruvech ri niquirayij niquil y c'o chi niquich'ob achique niquiben richin nic'achoj ri xquinojij. Ri uc'uey bey chupan ri aj chicajel uchuk'a' c'o chi yeruto' ri vinaki' richin nic'achoj ri quinojin.

UTZ RUCUSAXIC RI TIEMPO



Vi jun vinek nucusaj chi utzil ri ru tiempo c'o chi nuch'ob conojel ri rusamaj y yerucha' ri can c'o vi quejkalen. Ja c'ari' tok rija' nunojij jampe' tiempo nic'atzin chire richin nuben chiquijujunal ri rusamaj. Ri vinek ri' utz quere' nuben.

1. Nic'atzin richin c'o tiempo chire richin nril y nic'oje' ruchuk'a' pa uxlabel (espíritu) y pa c'aslen.
2. Nic'atzin ru tiempo richin nic'oje' quiq'uin ri ru familia.
3. Nic'atzin ru tiempo richin nuben ri samaj pa K'ataj.
4. Nic'atzin tiempo chire richin nuben ri rusamaj.
5. Nic'atzin richin c'o ru tiempo richin nisamej pa rutinamit y pa nimalej rutinamital.

Jun ya'ol lok'olej rutzijol (profeta) xubij: "E janila chique ri vinaki' man niquil ta achique niquiben chire ri qui tiempo. Y ch'aka' chic achi'a' niquimestaj chi ja ri uchuk'a' pa uxlabixel (espíritu) y pa ch'aculaj jari' ri c'o rejkalen. Chirij re re nipe chuka' ri ru familia, y ri rusamaj -- y ronojel c'a re' nrajo' tiempo" (Harold B. Lee).

Chiquijujunal ri uc'uey bey c'o chi nunuc' chi utzil ri qui tiempo richin queri' nitiquir nuben ronojel ri rusamaj ri c'o rejkalen.

Runa'oj jun uc'uey bey



Jun utzilej uc'uey bey nucusaj ri vaki' tobel quichin ri ye'uc'uan bey. Chuka' nic'atzin richin nretamaj nich'o chi utzil quiq'uin ch'aka' chic vinaki', nuben ch'oven pa yonil, nivixalun (nuc'uj bey) pa jun molojr'il, utz rucusaxic ri ru tiempo y man nutzijoj ri retaman chiquij ch'aka' chic. Ja c'a ri nim rejkalen jari', jun utzilej uc'uey bey nutij ruk'ij richin yeril ch'aka' chic utzilej tak banobel y na'oj richin ka rija'.

Ri kaColonel Jesucristo xuc'ut chikavech ri c'aslen nikatakej. Ri Lok'olej Tz'ibanic nubij chi tikacukuba' kac'u'x, tikabana' utz quiq'uin ch'aka' chic, y kojsamej utz (D. y C. 4:6). Ch'aka' chic niquic'ut chi c'o chi nikaben ch'aka' chic utzilej tak banobel. Tok nikaben jun, ca'i', ox'i' utzilej banobel ri xeruben ri Cristo, jari' tok niketamaj nikaben ch'aka' chic. Xa roma c'ari' ri Cristo an xapon vi chupan ri chojlen

ekal-ekal, roma ri xerubanala' y riq'uin ri to'onic ri xuya' ri Tata'ixel chire (D. y C. 93:13-17).

RI CUKUBABEL C'U'X

C'o kacukubabel c'u'x tok nikaya' chire ri kaColonel ri nabey c'ojolibel chupan ri kac'aslen, y tok nikatzekelbey. Nikacukuba' kac'u'x riq'uin Rija' y nikac'utuj chire richin yojruto' chupan ronojel ri nikaben. Nikaben lok'olej ch'oven ri nikamatioxij chire.

Vi c'o kacukubabel c'u'x, can nikacukuba', vi kac'u'x kiqu'uin roj, quiq'uin ch'aka' chic, y riq'uin ri xtipe. Nikatj kak'ij richin yec'achoj conojel ri na'oj ri e kac'utun chire ri Dios y achoj quiq'uin kacukuban kac'u'x. Nikatzolij ki' roma can nikarayij nikachojmirisaj ki' achi'el ri kaColonel.

QUEKAJO' CONOJEL ACHI'EL RI CRISTO YOJRAJO' KONOJEL

Quekajo' ri ch'aka' chic ma's que ta man yojcajo' ta chikavech ri yequiben, man riq'uin vi ri' yekajo'. Tok yojajovan ma's que ta man yeka' ta chikavech, jari' tok nikajo' yekatijoj ch'aka' chic y yojsamej quiq'uin y nikarayij richin nic'achoj ri quicolotajic y chuka' ri kacolotajic roj. Vi nikajo' nikac'ut chi nikajo' ri Ajaf c'o chi yekajo' y yojsamej quiq'uin ri ruvinak. C'o chi

nikac'utuj chire richin kojru'to'
richin vojajovan queri' (Moroni 7:
45-48).

KOJSAMEJ CHI UTZIL

Tikabana' utzilej samaj riq'uin
ronojel ri kánima, kanojibal y
kuchuk'a. C'o chi yojc'oje'
chupan ri kasamaj c'a tok
xtiq'uis ri kuchuk'a', richin
nikajotoba' k'i' y nikaben ri quibin
ri Ajaf, ri profetas, ri e uc'uey
bey richin nikaben. Man xe ta
natiquiriba' el jun samaj y xa
man nic'achoj ta, xa can
tic'achoj c'a.

RUNIMAXIC RI AJAF Y RI E RUSAMAJELA'

Tok oj nimey tzij, nikaben ri
niquibij ri Ajaf, ri e uc'uey bey y
ari Lok'olej Uxlabixel (Espíritu
Santo). Vi nikanimaj tzij, yojutzir
y can nikabebana' c'a ach'el ri
kaTata' chicaj. Ri Ajaf rubin can
chi q'uiy niketamaj roma ri
kanimabel tzij. (D. y C. 130:19).
Tok nikanimaj rutzij, Rija' cha'nin
yojruturusaj (yojrurtisaj). (Titz'et
Mosia 2:24).

MANJUN TIQ'UEQ'UEX CHIRE RI K'ATAJ

C'o chi man tika'ueq'uej ri ka
tiempo, ri e c'o kiq'uin y ri
kana'oj richin nikaben ri rusamaj
ri Dios, xa can nikaya' ronojel
chire. C'o chi nikaya' xa jampe',
chire ri ruk'ataj ri Jesucristo
quichin ri Chojlaxela' chupan ri
ruQ'uisibel tak K'ij, vi ri uc'uey

bey kichin yec'utun. (Lucas 18:
18-23). Ri Ajaf rusujun chike chi
vi nikaya' xa jampe' chire ri
rajavaren, xtuya' chike ri junalic
c'aslen (Mateo 19:29).

Ri kaChicajel Tata'ixel nim
ránima kiq'uin y retaman
achique ti utz nikaben chire.
Man oj junan ta konojel y
yojtiquir nikachojmirisaj k'i' roma
janíla' baniquil. Tok nikatojtobej
nikaben ri xerubanala' ri Ajaf,
Rija' can janíla' vi yojruto'.
Xkojtiquir xquekaben ch'aka'
chic na'oj richin yojoc utzilej tak
uc'uey bey y yojtiquir nikaben
ch'aka' chic (D. y C. 11:22-23 y
D. y C. 106:3). Rija' xtito'o' kichin
richin niketamaj ch'aka' chic.
Roma rija' quere' rubin:

"Yin, in Ajaf, in joyovanel, in
coch'onel quiq'uin ri niquixibij
qui' chinuvech, y yiquicoteyaj
richin utz ninben chique ri
yesamej chupan ri ruchojmilal y
ri kitzij c'a pa ruq'uisibel.

"Roma c'a ri vUxlabixel (nu
Espíritu) xquensakirisaj, y roma
ri vuchuk'a' xtink'alajirisaj ri e
evatel chire ri nurayibal; ja',
chuka' ri na'oj ri man e quitz'eton
ta ri vachaj, ni man cac'axan ta
ri xquinaj, y ri manjani que'oc
chupan ri ránima ri achin." (D. y
C. 76: 5, 10).

Tok jun xtitiquir xtoc jun samajel
y uc'uey bey ach'el ri Cristo, ri
Ajaf xtuturusaj (xturtisaj) c'a y

xtuto' richin nretamaj nuben
ch'aka' chic samaj.

Ri samaj pa K'ataj nipe chirij ri
rayinic richin nic'ul ri utzilej
rutzijol (evangelio), y runimaxic
ri rupixa' y rubanic samaj
chupan ri K'ataj pa qui cuenta
ch'aka' chic. Ri Ajaval Benjamín
xusol rij chi tok rija' nisamej pa
qui cuenta ri rach'alal, nuna' rija'
chi xa ja ri Dios najin chuto'ic.

Ri Ajaf xubij, "Xa roma c'ari' rix
ri niya' ivi' pa rusamaj ri Dios,
titz'eta' c'a chi yixsamej riq'uin
ronojel ivánima, ic'aslemal,
ina'oj, ivuchuk'a', richin queri'
yixbec'ulun c'a pa ruq'uisibel k'ij
chi manjun imac chuveh ri
Dios" (D. y C. 4:2).

Ri Lok'olej Samaj (Ordenanzas)

Jun lok'olej samaj (ordenanzas) jari' jun lok'olej baniquil niban roma jun vinek ri c'o riq'uin ri aj chicajel uchuk'a'. Ri kasambel chuxe' ya' y ri Lok'olej Va'in jare' ri e ca'i' lok'olej samaj richin ri K'ataj. Ri vinek ri c'o quiq'uin ri Aj Chicajel Uchuk'a' richin ri Aarón yetiquir niquiben jujun lok'olej samaj. Ja c'a ri c'o quiq'uin ri Aj Chicajel Uchuk'a' richin ri Melquisedec jeri' ri yebano ronojel ri lok'olej samaj.

Jare' ri nuchol vi ri rubanic chiquijujunal ri lok'olej samaj. Ri vinek ri nibano ri lok'olej samaj c'o chi utz ruc'uaxic nuben chire. Chupan ch'aka' lok'olej samaj, achi'el ri Lok'olej Va'in, can e ya'on pe ri ch'abel ri nucusex tok niban ri lok'olej ch'oven. Pa ch'aka' chic lok'olej samaj, ri nibano utz nucusaj ri ruch'abel rija'. Man riq'uin vi ri' chupan ri lok'olej samaj ri' rija' c'o chi nutzekelbej ronojel ri rubanic c'o vave'.

RUTURUSAXIC (RURTISAXIC) JUN AC'UAL Y RUYA'IC JUN RUBI'

Ruc'amon yebochi'ij ri tata'aj vi e ruc'amon y c'o quiq'uin ri Aj Chicajel Uchuk'a' richin ri

Melquisedec richin can je vi rije' queturusan (que'urtisan) ri chi tak calc'ual. Man riq'uin vi ri' tok jun tata'aj nuc'utuj k'ij richin nuch'olej ri ti ac'ual tok vi élder nuben vi turusanic (urtisanic), utz niya'ox k'ij chire, stape' c'a manjani toc chupan ri K'ataj. Ri élder ri nibano ri turusanic (urtisanic) utz quere' nuben.

1. C'o chi nuch'olej ri ac'ual pa ruk'a', o nuya' ri ruk'a' pa rujolon, vi ri ac'ual c'o chic juba' rujuna'.
2. Cari' nuchojmij ri ruch'abel riq'uin ri Aj Chicajel Tata'ixel achi'el pa jun lok'olej ch'oven.
3. C'o chi nuk'alajirisaj ri ruk'atbel tzij (Aj Chicajel Uchuk'a' richin ri Melquisedec) y romari' niban ri lok'olej samaj.
4. Niyatej ri rubi' ri ac'ual.
5. C'ari' yerubij chic ri ch'abel richin ri turusanic (urtisanic) ri xtusipaj ri Uxlabixel (Espíritu) chire.
6. Nutanaba' c'a ri samaj pa rubi' ri Jesucristo.

KASAMBEL CHUXE' YA'

Ri kasambel chuxe' ya' xaxe' nibanatej roma jun presbítero o jun ri c'o riq'uin ri Aj Chicajel Uchuk'a' richin ri Melquisedec y can ruc'amon. Ri nibano ri kasambel chuxe' ya' c'o chi

quere' nuben.

1. C'o chi nikaka chupan ri ya' riq'uin ri vinek ri nic'ulu ri kasambel chuxe' ya'.
2. C'o chi nu chop ri rukul raj quik'a' ri vinek, riq'uin ri ruxocon ruk'a'. C'ari' ri vinek ri nic'ulu ri kasambel chuxe' ya' nu chop riq'uin ri ruxocon ruk'a' ri rukul ruk'a' ri vinek ri nibano ri rukasambel chuxe' ya'. (Titz'et vachibel banon).
3. Ri vinek nibano ri kasambel chuxe' ya' c'o chi nutz'ekej ri raj ruk'a' y nuq'uexevachij jun cajtz'uc.
4. C'ari' nroyoj ri vinek riq'uin ri rubi' y ruca'n rubi' y nubij ri lok'olej ch'oven richin ri kasambel chuxe' ya'. "Roma c'a ya'on can chuve ri k'atbel tzij roma ri Jesucristo, yin yatinkasaj chuxe' ya' pa rubi' ri Tata'ixel, y ri C'ajolaxel y ri Lok'olej Uxlabixel. Amén." (D. y C. 20:73).
5. Nutz'ajba' c'a ri rajquik'a' chi'el rij ri vinek y nuju' ka chijun chuxe' ri ya'.
6. C'ari' nuto' ri vinek richin nel pe pa ya'.

**RUCOVIRISAXIC
(CONFIRMAR) JUN VINEK
CHUPAN RI K'ATAJ Y
RUK'AXAXIC RUSIPANIC RI
LOK'OLEJ UXLABIXEL. (DON**

DEL ESPIRITU SANTO).

Xaxe' jun vinek ri c'o riq'uin ri Aj Chicajel Uchuk'a' richin ri Melquisedec nitiquir nu covirisaj chupan ri K'ataj jun vinek ri c'ari' xapon y nuya' chire ri Lok'olej Uxlabixel (Espíritu Santo). Ri vinek ri' quere' nuben.

1. C'o chi nuya' ri ruk'a' pa rujolon ri vinek ri nic'ulu ri covirisanen (confirmación).
2. C'o chi nroyoj ri vinek riq'uin ronojel ri rubi'.
3. C'o chi nuk'alajirisaj ri ruk'atbel tzij (ri Aj Chicajel Uchuk'a' richin ri Melquisedec) y roma ri niban ri lok'olej samaj.
4. C'o chi nu covirisaj ri vinek ri noc apon chupan ri Ruk'ataj ri Jesucristo quichin ri Chojlaxela' chupan ri Ruq'uisibel Tak K'ij.
5. C'o chi nik'axex chire ri Lok'olej Uxlabixel (Espíritu Santo).
6. C'ari' nutz'akatisaj ri turusanic (urtisanic) riq'uin ri ch'abel ri nusipaj ri Uxlabixel (Espíritu) chire.
7. Nic'achoj c'a ri rusamaj pa rubi' ri Jesucristo.

RI LOK'OLEJ VA'IN

Ri Lok'olej Va'in jun lok'olej samaj janíla' rejkalen chupan ri K'ataj, y re xaxe' nuc'uex rubanic

roma ri vinek nuc'uan bey
chupan ri molojri'il. Tok ri yec'ulu
ri Lok'olej Va'in, ri vinaki' ri' c'o
chi niquinataj ri ruc'aslen y ri
rutijonen y ri tojbel mac xuben ri
Jesucristo. Ja chuka' ri' tok
ruc'amon richin nucamuluj ri
sujunic (convenios) banon riq'uin
ri Ajaf tok xbanatej ri kasambel
chuxe' ya' (Mosiah 18: 8-10).

Utz ni'cut chiquivech conojel ri
c'o ri aj chicajel uchuk'a' quiq'uin
chi quesamej chuka' apon, y
tiquetamaj je rije' e c'o pa
ruq'uexel ri Ajaf tok niquiya' ri
lok'olej va'in chique ch'aka' chic.
C'o chi yequichajij ronojel ri pixa'
y ri quisamaj, c'o chi niquiben
riq'uin ronojel ch'uch'ujil y
chojmilal. C'o chi quichojmirisan
qui' chi utzil, is ch'ajch'oj ri
quitziak y niquicusaj ri ruc'amon
oc. Ri ruc'utubel c'o chi nik'alajin
chi jun lok'olej samaj.

C'o chi nic'oje' jun caxlan vey pa
jun liq'uilic lek (plato) y ch'ajch'oj
pa ruvi' jun ti co'ol vaybel.
Chuka' yec'oje' pa ruvi' ri vaybel
cocoj tak kumbel riq'uin juba' ya'
chiquipan. Ruc'amon vi c'o
junjun kumbel chiquijujunal ri
vinaki' e c'o. Ri caxlan vey y ri
ya' utz nitz'apex quivi' riq'uin jun
sekilej tziek. Nelessex ri tziek
chirij ri caxlan vey tok xa juba'
chic man niturusex y nitz'apex
chic ruvi' tok xjachalox yan ri
caxlan vey. Que chuka' ri' niban
riq'uin ri ya'.

Tok najin ri bixanen richin ri jari'
tok ri c'o quiq'uin ri aj chicajel
uchuk'a' niquiper ri caxlan vey y
tak ch'uti'n oc niban chique.
Chirij ri bixanen, ri uc'uayon ri aj
chicajel uchuk'a' c'o chi nixuque'
ka y c'ari' nuc'utuj ri turusanic pa
ruvi' ri caxlan vey.

"Lok'olej Dios, Jumul Tata'ixel,
pa rubi' ri Jesucristo, ri Ac'ajol,
nikac'utuj chave chi taturusaj c'a
y tach'ajch'ojirisaj re caxlan vey
re' richin ri canima checonojel ri
xquec'uluman apon riq'uin, richin
chi xtiquitij richin ri runatabal ri
ruch'acul ri Ac'ajol, y
xtiquik'alajirisaj apon chavech
rat, Lok'olej Dios, Jumul
Tata'ixel, chi niquirayij niquiq'uen
pa quivi' ri rubi' ri Ac'ajol, y chi
Rija' noka' ka chiquic'u'x junelic y
chuka' chi yequitakej ri rupixa' ri
e ruya'on can Rija' chique, richin
queri' junelic xtic'oje' c'a ri
Ruxlabal quiq'uin. Amen." (D. y
C. 20:77).

Ri caxlan vey ri xturusex ka
nitalux c'a chiquivech ri e aj
K'ataj.

Tok xjachatej ri caxlan vey, ri
vinek ri c'o riq'uin ri aj chicajel
uchuk'a', c'o chi nixuque' c'a ka y
c'ari' nuc'utuj ri turusanic pa ruvi'
ri ya'.

"Lok'olej Dios, Jumul Tata'ixel,
pa rubi' ri Jesucristo, ri Ac'ajol,
nikac'utuj chave chi taturusaj c'a
y tach'ajch'ojirisaj re ya' re' richin

ri cánima checonojel ri xquekumun richin, richin chi xtiqubien richin ri runatabal ri ruqui'uel ri Ac'ajol ri xbiyin can coma rije', richin chi xtiqik'alajirisaj apon chavech rat, Lok'olej Dios, Jumul Tata'ixel, chi Rija' noka' ka chiquic'u'x junelic, richin queri' xtic'oje' c'a ri Ruxlabal quiq'uin. Amen." (D. y C. 20:79).

Ri ya' ri xturusex yan nijachalox chique ri e aj K'ataj.

Ri caxlan vey y ri ya' co chi nelesex el chuech ri vaybel xaxe' tok nic'achoj ri molojri'il. Ri caxlan vey ri nitotej can utz nicusex richin nitij.

Ri presbiteros y ri c'o ri Aj Chicajel Uchuk'a' richin ri Melquisedec quiq'uin je rije' ri yeturusan ri Lok'olej Va'in. Ri e tijonela' y ri diáconos man ya'on ta richin niquiben. (D. y C. 20:58).

Ri e diáconos, ri tijonela', ri presbíteros y ri c'o ri Aj Chicajel Uchuk'a' richin ri Melquisedec quiq'uin je rije' ri yejacho ri lok'olej va'in.

**RUYA'IC RI AJ CHICAJEL
UCHUK'A' CHIRE JUN VINEK
Y RUTAKIC CHUPAN JUN
RUSAMAJ**

Ri uc'uey bey chupan ri aj chicajel uchuk'a' jari' nuc'uj rubey ri samaj richin ruya'ic ri Aj

Chicajel Uchuk'a' richin ri Aarón. Ri presbíteros chuka' yetiquir yequitek ch'aka' chic richin ri Aj Chicajel Uchuk'a' richin ri Aarón, tok queri' nibix chire roma ri uc'uey bey. Ri vi'xal (presidente) pa jun misión o estaca jari' ri nuc'uj rubey ri samaj richin nutek jun vinek pa rusamaj jun élder. Ri vi'xal (presidente) pa estaca jari' ri nuc'uj rubey ri samaj richin ri nutek jun vinek pa rusamaj jun Ox'cal-lajujlaxel (Setenta) o jun Sumo Sacerdote. Ri nitako utz quere' nuben.

1. C'o chi nuya' ri ruk'a' pa rujolon ri vinek.
2. C'o chi nroyoj ri vinek riq'uin ronojel ri rubi'.
3. C'o chi nik'alajirisex ri k'atbel tzij (ri Aj Chicajel Uchuk'a' richin ri Melquisedec o richin ri Aarón) achoj roma nibanatej vi ri lok'olej samaj.
4. C'o chi niya'ox ri Aj Chicajel Uchuk'a' richin ri Melquisedec o richin ri Aarón, xa achique c'a ri nic'atzin o xaxe' vi man ya'on ta chic chire.
5. C'o chi nitak chupan jun rusamaj chupan ri Aj Chicajel Uchuk'a' richin ri Melquisedec o richin ri Aarón y niya'ox pa ruk'a' ri tiquirinen y ri k'atbel tzij, y

ri uchuk'a' richin ri samaj ri'.

6. C'o chi nutz'akatisaj ri ch'abel richin ri turusanic ri xtusipaj ri Uxlabixel (Espíritu).
7. C'o chi nutanaba' ri rusamaj pa rubi' ri Jesucristo.

RULOK'OLIXAJEN RI ACEITE

Nucusex aceite richin ri oliva richin yequillitej ri yava'i'. C'o chi nicanux utzilej aceite ri man xolon ta. Ri vinaki' ri e uc'uayon ri Aj Chicajel Uchuk'a' richin ri Melquisedec c'o chi niquilok'olisaj y niquich'er can richin ri lok'olej samaj nic'atzin vi. Ri uc'uayon ri aj chicajel uchuk'a' quere' nuben.

1. C'o chi nuli'ej pa ruk'a' ri yabel y jakel ruvi' achoj chupan c'o vi ri aceite.
2. C'ari' nunataj ri kaTata' chicaj pa jun lok'olej ch'oven.
3. C'o chi nubij ri k'atbel tzij (Aj Chicajel Uchuk'a' richin ri Melquisedec) achoj roma nilok'olisex vi ri aceite.
4. C'o chi nilok'olisex ri aceite (y man ja ta ri yabel) y nich'ar can tok yeturusex (ye'urtisex) yequillix ri yava'i' y ri yek'axo.
5. C'o chi nitanabex pa rubi' ri Jesucristo.

RUTURUSAXIC (RURTISAXIC) JUN YAVA'

Re lok'olej samaj re' c'o ca'i' rubanic: ruquilic y rutz'apetajic.

Ri quillij riq'uin aceite

Ri quilic jari' ri ruya'ic juba' aceite lok'olisan, pa rujolon ri vinek yava'. Ri quillij nibanatej roma jun vinek ri c'o riq'uin ri Aj Chicajel Uchuk'a' richin ri Melquisedec. Rija' quec'are' nuben chire.

1. C'o chi niquil pa rujolon ri vinek yava', juba' aceite.
2. C'o chi niya'ox checa'i' k'abaj pa rujolon ri vinek yava'.
3. C'o chi noyox ri vinek riq'uin rubi'.
4. C'o chi nik'alajirisex ri k'atbel tzij (ri Aj Chicajel Uchuk'a' richin ri Melquisedec) achoj riq'uin nibanatej vi ri lok'olej samaj.
5. C'o chi nibix chire ri yava' chi niquil riq'uin aceite lok'olisan.
6. C'o chi nubij chi ri samaj nibanatej pa rubi' ri Jesucristo.

Tz'apetajic richin ri quillij

Tz'apetajic jari' ri rucovirisaxic ri quillij. Re' nibanatej coma ca'i' o ch'aka' chic vinaki' ri quic'uan ri

Aj Chicajel Uchuk'a' richin ri Melquisedec. Jeri' niquiya' quik'a' pa rujolon ri vinek yava'. Jun c'a chique rije' c'o chi quere' nuben.

1. C'o chi nroyoj ri vinek riq'uin ri rubi'.
2. C'o chi nuk'alajirisaj chi nic'achoj ri samaj ri roma ri Aj Chicajel Uchuk'a' richin ri Melquisedec.
3. C'o chi nutz'apej y nucovirisaj ri quiliy banon.
4. C'ari' c'o chi nubij jun turusanic (urtisanic) riq'uin ri ch'abel xtisipex chire roma ri Uxlabixel (Espiritu).
5. C'o chi nitanabex pa rubi' ri Jesucristo.

RUTURUSAXIC (RURTISAXIC) JUN MUKUBEL

Tok niturusatej jun mukubel nich'aratej c'a can achi'el jun lok'olej c'ojlibel. Ja ri vinek ri c'o riq'uin ri Aj Chicajel Uchuk'a' richin ri Melquisedec jari' nibano. Tok xech'o yan riq'uin ri familia, jari' tok ri vi'xal (presidente) pa jun rama o ri obispo nubij chire ri vinek chi tubana' ri turusanic. Ri nibano c'o chi quere' nuben.

1. C'o chi nroyoj ri Chicajel kaTata' pa jun lok'olej ch'oven.
2. C'o chi nuk'alajirisaj chi roma ri Aj Chicajel Uchuk'a' richin ri

Melquisedec tok nibanatej ri lok'olej samaj.

3. C'a c'ari' nuturusaj c'a y nulok'olisaj ri c'ojlibel richin noc jun c'ojlibel richin uxlanen chire ri ruch'acul ri vinek xcom (xquen).
4. C'o chi nuben jun lok'olej ch'oven chire ri Ajaf, vi queri' najovex, y nuc'utuj chi ri ulef noc ta c'a lok'olej y tichajix c'a, c'a tok xtoka' ri tiempo bitajnek can chi nic'astej chic ri ch'aculej y xtutun chic c'a ri' riq'uin ri Uxlabixel (Espiritu).
5. C'ari' nuc'utuj c'a chire ri Ajaf chi querubochi'ij c'a ri familia, riq'uin ch'uch'ujilej tak ch'abel ri xquerusipaj ri Uxlabixel (Espiritu) chire.
6. C'o chi nutanaba' pa rubi' ri Jesucristo.

RUTURUSAXIC (RURTISAXIC) JUN VINEK RICHIN NIBOCHITEJ Y NIYA'OX RUNA'OJ

C'o bey tok nic'atzin richin yeturusex ri vinek pa ri familia o pa ri K'ataj richin yebochi'ix o niya'ox quina'oj. Ri obispo, ri tata'aj o jun chic vinek ri c'o riq'uin ri Aj Chicajel Uchuk'a' richin ri Melquisedec jari' ri nibano ri turusanic (urtisanic) quere'. Utz nibanatej jun turusanic tok jun vinek c'o ruk'axo'n, o tok roma jun yabil c'o chi nipoch', o richin nibochi'ix

tok c'o jun yabil, o tok c'o jun camic pa familia.

C'o bey tok can ja ri vinek ri' c'o chi nusol rij ri ruk'axomal y xa man nic'atzin ta ri tursanic richin ri aj chicajel uchuk'a'. Man nicanux ta jun chojmilal richin nibanatej re samaj re' roma xa jalajoj ruvech ri nic'atzin vi. Roma ri' utz nibanatej xaxe' oc riq'uin ri nubij ri Espíritu richin ri Ajaf.

Tok niya'ox jun turusanic queri' ri vinek ri uc'uayon ri aj chicajel uchuk'a' utz quere' nuben.

1. C'o chi nuya' ruk'a' pa rujolon ri vinek ri nic'ulu ri turusanic.
2. C'o chi nroyoj ri vinek riq'uin ronojel ri rubi'.
3. C'o chi nuk'alajirisaj chi roma ri Aj Chicajel Uchuk'a' richin ri Melquisedec tok niban ri lok'olej samaj ri', vi ri samaj ri' can najin vi roma ri rutiquirinic ri Aj Chicajel Uchuk'a'.
4. C'o chi nuk'alajirisaj ri sipanic, ri na'oj, ri pixabanic y ri sujunic ri nubij ri Uxlabixel (Espíritu).

5. C'o chi nutanaba' ri samaj ri' pa rubi' ri Jesucristo.

RI TATA'AJ YERUTURUSAJ (YERURTISAJ) RI RALC'UAL

Ri Nabi'el Vixalojil (La Primera Presidencia) rubin chi ri tata'aj utz yequiturusaj (yecurtisaj) ri calc'ual. Riije' niquibij chi ri tata'aj utz yequiturusaj ri calc'ual tok c'o acuchi' yebe vi. Re' utz nibanatej tok jun alc'ualaxel nibe pa jun samaj richin chajinic, o tok nibe pa tijonic pa jun chic c'ojlibel, o nuberutzijoj ri ruch'abel ri Ajaf.

Ri ruchojmilal, can xaxe' vi ri Patriarcas e K'alajirisanek pa K'ataj je riije' ri yek'alajirisan ri vijatzul jun vinek. Re re' nibanatej pa jun turusanic nuben ri Patriarca. Man riq'uin vi ri' jun tata'aj nitiquir chuka' nuk'alajirisaj ri rijatzul pa jun turusanic ri nuben ri tata'aj xaxe' vi queri' nrajo' ri Ajaf.

Utz niyac jun ruturusanic ri tata'aj pa jun tz'ibanen quichin ri familia. Re' man niyac ta pa jun yacbel richin ri K'ataj.